

Schnitzelbank 2016 Alibaba

1. Kaltbrunn en Kunschtort – so söll es heissä
Das wüsstet sicher – di aller Meischte
Überall im Dorf stoht Unrot umme
Bsunders im Pfarrgartä – dä sinnlos Brunnä
2. Es Schlagerfestival – het söllä stattfindä
Doch d'Lüüt tünd eifach der Weg – nüd finde
Dä Grund isch klar, im Kupfentreff
Dä Männerchor grad sini – Chränzli hät
3. Uf der Hofwiese – d'W. Rüegg, hät Grosses im Sinn
15 Hüser sölls geh – für 1,3 Millione und meh
Doch wer wet bi dänä Prisä – abisse
Lönd lieber d'Chüh uf der Wiesä – wieder schissä
4. S'Oberstufenzentrum tuet sich neu präsentierä
D'Architekto vo Hüt tüend sehr viel studiere
Doch händ ihrs scho gseh – im Igangsbereich
Dä schrecklich Verputz – der gröschti Seich
5. Bim Bienenlehrstand – uf der Chirchhalde
Wird 3 Tusig Quadratmeter Bioland gstatet
Das Bienli wüsstet, wos der Blütenstaub chönd nee
Chasch am Frühlig die Tierli – mit Navigrät gseh
6. Im Wilertobel – ä Pistä preparierä
Di hütig Jugend – tuet halt witer studierä
Nüd schuflä, nüd picklä das wär ä Schand
Wänn häsch – so en prächtige Bagger zur Hand
7. Uf der Gmeind Kaltbrunn sinds sehr galant
Det verwisets d'Ibrächer – uf d Raiffeissenbank
Em Trube Geni – isch das soo passiert
Er hät ohni Müh – einigi Tusig kassiert
8. Vo der Uznacherstroos zum Schönauquartier
Hätt der Suter Walti es Brüggli montiert
Hätt der rissendi Strom, dänn aber Hochwasser
Vor em überquäre bitte – ä Schwimmweste fassä
9. Ihr händ jetzä ghört – dass viel isch passiert
Mir hoffet ihr händ – fascht alles kapiert
bi eu chömmer jetzt – mit de Kassä verbi
tüend bitte – an grosse Batze dri